



略述金剛頂瑜伽分別聖位修證法門

唐大興善寺三藏沙門大廣智不空奉 詔譯

一字佛頂輪王念誦儀軌

唐特進試鴻臚卿三藏沙門大廣智不空奉 詔譯

略述金剛頂瑜伽分別聖位修證法門、一字佛頂輪王念誦儀軌



清刻龍藏佛說法變相圖

一門一儀軌同卷

鍾七

略述金剛頂瑜伽分別聖位修證法門

一字佛頂輪王念誦儀軌

略述金剛頂瑜伽分別聖位修證法門

鍾七

唐大興善寺三藏沙門大廣智不空奉 詔譯

夫真言陀羅尼宗者是一切如來祕奧之教  
自覺聖智修證法門亦是菩薩具受淨戒無  
量威儀入一切如來海會壇受菩薩職位超  
過三界受佛教勅三摩地門具足因緣頓集  
功德廣大智慧於無上菩提皆不退轉離諸  
天魔一切煩惱及諸罪障念念融證佛四種  
身謂自性身受用身變化身等流身滿足五  
智三十七等不共佛法然如來變化身於閻

浮提摩竭陀國菩提道場成等正覺爲地前  
菩薩聲聞緣覺凡夫說三乘教法或依他意  
趣說或自意趣說種種根器種種方便如法  
修行得人天果報或得三乘解脫果或進或  
退於無上菩提三無數大劫修行勤苦方得  
成佛王宮生雙樹滅遺身舍利起塔供養感  
受人天勝妙果報及涅槃因不同報身毗盧  
遮那於色界頂第四禪阿迦尼吒天宮雲集  
盡虛空徧法界一切諸佛十地滿足諸大菩  
薩證明警覺身心頓證無上菩提自受用佛  
從心流出無量菩薩皆同一性謂金剛性對  
徧照如來受灌頂職位彼等菩薩各說三密  
門以獻毗盧遮那及一切如來便請加持教  
勅毗盧遮那佛言汝等將來於無量世界爲  
最上乘者令得現生世間出世間悉地成就

彼諸菩薩受如來勅已頂禮佛足圍遶毗盧  
遮那佛已各還本方本位成爲五輪持本標  
幟若見若聞若入輪壇能斷有情五趣輪轉  
生死業障於五解脫輪中從一佛至一佛供  
養承事皆令獲得無上菩提成決定性猶如  
金剛不可沮壞此即毗盧遮那聖衆集會便  
爲現證宰堵波塔一一菩薩一一金剛各住  
本三昧住自解脫皆住大悲願力廣利有情  
若見若聞悉證三昧功德智慧頓集成就矣  
爾時金剛界毗盧遮那佛在色界頂阿迦尼  
吒天宮初受用身成等正覺證得一切如來  
平等智即入一切如來金剛平等智印三昧  
耶即證一切如來法平等自性光明智藏成  
等正覺已一切如來從薩埵金剛出虛空藏  
大摩尼寶以灌其頂令發生觀自在法王智

安立一切如來毗首羯磨善巧智令徃詣須彌山頂金剛摩尼寶峯樓閣集聖衆已於是毗盧遮那佛加持一切如來施設四方坐師子座時不動如來寶生如來觀自在王如來不空成就如來復加持毗盧遮那佛然受用身有二種一自受用二他受用毗盧遮那佛於內心證自受用四智大圓鏡智平等性智妙觀察智成所作智外令十地滿足菩薩他受用故從四智中流出四佛各住本方坐本座毗盧遮那佛於內心證得五峯金剛菩提心三摩地智自受用故從五峯金剛菩提心三摩地智中流出金剛光明徧照十方世界淨一切衆生大菩提心還來收一聚爲令一切菩薩受用三摩地智故成金剛波羅蜜形住毗盧遮那如來前月輪毗盧遮那佛內心

證得虛空寶大摩尼功德三摩地智自受用故從虛空寶大摩尼功德三摩地智流出虛空寶光明徧照十方世界令一切衆生功德圓滿還來收一聚爲令一切菩薩受用三摩地智故成金剛寶波羅蜜形住毗盧遮那如來右邊月輪毗盧遮那佛於內心證得大蓮華智慧三摩地智自受用故從大蓮華智慧三摩地智流出蓮華光明徧照十方世界淨一切衆生客塵煩惱還來收一聚爲令一切菩薩受用三摩地智故成法波羅蜜形住毗盧遮那如來後邊月輪毗盧遮那佛於內心證得羯磨金剛大精進三摩地智自受用故從羯磨金剛大精進三摩地智流出羯磨光明徧照十方世界令一切衆生除一切懈怠成大精進還來收一聚爲令一切菩薩受用

三摩地智故成羯磨波羅蜜形住毗盧遮那  
如來左邊月輪毗盧遮那佛於內心證得金  
剛薩埵勇猛菩提心三摩地智自受用故從  
金剛薩埵勇猛菩提心三摩地智流出五峯  
金剛光明徧照十方世界令一切衆生頓證  
普賢行還來收一聚爲令一切菩薩受用三  
摩地智故成金剛薩埵菩薩形住阿閼如來  
前月輪毗盧遮那佛於內心證得金剛鉤四  
攝三摩地智自受用故從金剛鉤四攝三摩  
地智流出金剛光明徧照十方世界以四攝  
攝一切衆生安於無上菩提還來收一聚爲  
令一切菩薩受用三摩地智故成金剛王菩  
薩形住阿閼如來右邊月輪毗盧遮那佛於  
內心證得金剛愛大悲箭三摩地智自受用  
故從金剛愛大悲箭三摩地智流出金剛箭

光明徧照十方世界射害一切衆生於無上  
菩提狀離心者還來收一聚爲令一切菩薩  
受用三摩地智故成金剛愛菩薩形住阿閼  
如來左邊月輪毗盧遮那佛於內心證得金  
剛善哉歡喜王踊躍三摩地智自受用故從  
金剛善哉歡喜踊躍三摩地智流出金剛善  
哉印光明徧照十方世界時一切衆生憂感  
於普賢行生劣意者令得身心以踊躍智還  
來收爲一聚爲令一切菩薩受用三摩地智  
故成金剛善哉菩薩形住阿閼如來後月輪  
毗盧遮那佛於內心證得金剛寶灌頂三摩  
地智自受用故從金剛寶灌頂三摩地智流  
出金剛寶光明徧照十方世界灌灑一切衆  
生頂獲得菩薩不退轉職位還來收爲一聚  
爲令一切菩薩受用三摩地智故成金剛寶

菩薩形住寶生如來前月輪毗盧遮那佛於  
內心證得金剛威光三摩地智自受用故從  
金剛威光三摩地智流出金剛日光明徧照  
十方世界破一切衆生無明愚暗發大智光  
還來收一聚爲令一切菩薩受用三摩地智  
故成金剛威光菩薩形住寶生如來右邊月  
輪毗盧遮那佛於內心證得金剛寶幢三摩  
地智自受用故從金剛寶幢三摩地智流出  
金剛幢光明徧照十方世界滿一切衆生意  
願還來收一聚爲令一切菩薩受用三摩地  
智故成金剛幢菩薩形住寶生如來左邊月  
輪毗盧遮那佛於內心證得金剛笑印授記  
三摩地智自受用故從金剛笑印授記三摩  
地智流出金剛笑印光明徧照十方世界不  
定性衆生授與平等無上菩提記還來收一

聚爲令一切菩薩受用三摩地智故成金剛  
笑菩薩形住寶生如來後邊月輪毗盧遮那  
佛於內心證得金剛法清淨無染三摩地智  
自受用故從金剛法清淨無染三摩地智流  
出金剛光明徧照十方世界淨除一切衆生  
五欲身心清淨猶如蓮華不染塵垢還來收  
一聚爲令一切菩薩受用三摩地智故成金  
剛法菩薩形住觀自在王如來前月輪毗盧  
遮那佛於內心證得金剛利劍般若波羅蜜  
三摩地智自受用故從金剛利劍波羅蜜三  
摩地智流出金剛利劍光明徧照十方世界  
斷一切衆生結使離諸苦惱還來收一聚爲  
令一切菩薩受用三摩地智故成金剛劍菩  
薩形住觀自在王如來右邊月輪毗盧遮那  
佛於內心證得金剛因轉法輪三摩地智自

受用故從金剛因轉法輪三摩地智流出金剛輪光明徧照十方世界能除一切衆生惡種子還來收一聚爲令一切菩薩受用三摩地智故成金剛因菩薩形住觀自在王如來左邊月輪毗盧遮那佛於內心證得金剛密語離言說三摩地智自受用故從金剛密語離言說三摩地智流出金剛舌相光明徧照十方世界能除十方一切衆生惡慧令得四無礙解樂說辯才還來收一聚爲令一切菩薩受用三摩地智故成金剛語菩薩形住觀自在王如來後月輪毗盧遮那佛於內心證得金剛業虛空庫藏三摩地智自受用故從金剛業虛空庫藏三摩地智流出金剛業光明徧照十方世界令一切衆生於一切如來諸菩薩所成廣大供養還來收一聚爲令一

切菩薩受用三摩地智故成金剛業菩薩形住不空成就如來前月輪毗盧遮那佛於內心證得金剛護大慈莊嚴甲冑三摩地智自受用故從金剛護大慈莊嚴甲冑三摩地智流出金剛甲冑光明徧照十方世界能除暴惡恚怒衆生速獲大慈心還來收一聚爲令一切菩薩受用三摩地智故成金剛護菩薩形住不空成就如來左邊月輪毗盧遮那佛於內心證得金剛藥叉方便恐怖三摩地智自受用故從金剛藥叉方便恐怖三摩地智流出金剛牙光明徧照十方世界降伏剛彊難化衆生安置於菩提道還來收一聚爲令一切菩薩受用三摩地智故成金剛藥叉菩薩形住不空成就如來右邊月輪毗盧遮那佛於內心證得金剛拳印威靈感應三摩地

智自受用故從金剛拳印威靈感應三摩地  
智流出金剛拳光明徧照十方世界令除一  
切衆生業障速獲世間出世間悉地圓滿還  
來收一聚爲令一切菩薩受用三摩地智故  
成金剛拳菩薩形住不空成就如來後邊月  
輪毗盧遮那佛於內心證得金剛嬉戲法樂  
標幟三摩地智自受用故從金剛嬉戲法樂  
標幟三摩地智流出金剛嬉戲標幟光明徧  
照十方世界供養一切如來及破凡夫貪染  
世樂獲得嬉戲法圓滿安樂還來收一聚爲  
令一切菩薩受用三摩地智故成金剛嬉戲  
天女形菩薩住毗盧遮那如來東南隅月輪  
毗盧遮那佛於內心證得金剛華鬘菩提分  
法三摩地智自受用故從金剛華鬘菩提分  
法三摩地智流出金剛華鬘光明徧照十方

世界供養一切如來除諸衆生醜陋之形獲  
得三十二相八十種隨形好身還來收一聚  
爲令一切菩薩受用三摩地智故成金剛華  
鬘天女形菩薩住毗盧遮那佛西南隅月輪  
毗盧遮那佛於內心證得金剛歌詠淨妙法  
音三摩地智自受用故從金剛歌詠淨妙法  
音三摩地智流出金剛歌光明徧照十方世  
界供養一切如來能令衆生破除語業戲論  
獲得六十四種梵音具足還來收一聚爲令  
一切菩薩受用三摩地智故成金剛歌詠天  
女形菩薩住毗盧遮那如來西北隅月輪毗  
盧遮那佛於內心證得金剛法舞神通遊戲  
三摩地智自受用故從金剛法舞神通遊戲  
三摩地智流出金剛舞光明徧照十方世界  
供養一切如來及破一切衆生無明獲得六

通自在遊戲還來收一聚爲令一切菩薩受用三摩地智故成金剛法舞天女形菩薩住毗盧遮那佛東北隅月輪毗盧遮那佛於內心證得金剛焚香雲海三摩地智自受用故從金剛焚香雲海三摩地智流出金剛焚香光明徧照十方世界供養一切如來及破一切衆生臭穢煩惱獲得適悅無礙智香還來收一聚爲令一切菩薩受用三摩地智故成金剛焚香侍女菩薩形住東南角金剛寶樓閣毗盧遮那佛於內心證得金剛覺華雲海

鍾七

九

南角金剛寶樓閣毗盧遮那佛於內心證得金剛燈明雲海三摩地智自受用故從金剛燈明雲海三摩地智流出金剛燈明光明徧照十方世界供養一切如來能破一切衆生無明住地獲得如來清淨五眼還來收一聚爲令一切菩薩受用三摩地智故成金剛燈明侍女菩薩形住西北角金剛寶樓閣毗盧遮那佛於內心證得金剛塗香雲海三摩地智自受用故從金剛塗香雲海三摩地智流出金剛塗香光明徧照十方世界供養一切如來及破一切衆生身口意業非律儀過獲得五分無漏法身還來收一聚爲令一切菩薩自受用三摩地智故成金剛塗香侍女菩薩形住東北角金剛寶樓閣毗盧遮那佛於內心證得請召金剛鉤三摩地智自受用故

從請召金剛鉤三摩地智流出金剛鉤光明  
徧照十方世界請召一切如來金剛界道場  
及拔一切衆生惡趣安於無住涅槃之城還  
來收一聚爲令一切菩薩受用三摩地智故  
成守菩提心戶金剛鉤菩薩形住東門月輪  
毗盧遮那佛於內心證得金剛引入方便絹  
索三摩地智自受用故從引入方便絹索三  
摩地智流出金剛絹索光明徧照十方世界  
引入一切如來聖衆及絹索一切衆生沉於  
二乘實際三摩地淤泥安置覺王法界宮殿  
還來收一聚爲令一切菩薩受用三摩地智  
故成衛護功德戶金剛索菩薩形住南門月  
輪毗盧遮那佛於內心證得堅固金剛鎖械  
三摩地智自受用故從堅固金剛鎖械三摩  
地智流出金剛鎖械光明徧照十方世界令

已入一切如來聖衆界道場以大悲誓繫縛  
而住及摧一切衆生外道諸見住無上菩提  
不退堅固無礙大城還來收一聚爲令一切  
菩薩受用三摩地智故成金剛鎖械菩薩形  
守智慧戶住西門月輪毗盧遮那佛於內心  
證得般若波羅蜜金剛鈴三摩地智自受用  
故從般若波羅蜜金剛鈴三摩地智流出金  
剛鈴光明徧照十方世界歡喜一切如來海  
會聖衆住金剛界道場者及破一切衆生二  
乘異見安置般若波羅蜜宮還來收一聚爲  
令一切菩薩受用三摩地智故成金剛鈴菩  
薩形守精進戶住北門月輪若依次說前後  
有差據報身佛頌證身口意三種淨業徧周  
法界於一一法門一一理趣一一毛孔身分  
相好盡虛空界不相障礙各住本位以成徧

照光明毗盧遮那自受用身他受用身若依二乘次第而說若不具修三十七菩提分法證得道果無有是處若證自受用身佛必須三十七三摩地智以成佛果梵本入楞伽偈頌品云自性及受用變化并等流佛德三十六皆同自性身并法界身總成三十七也

最初於無上乘發菩提心由阿閼佛加持故證得圓滿菩提心由證菩提外感空中寶生佛灌頂受三界法王位由觀自在王佛加持語輪能說無量修多羅法門由不空成就佛加持於諸佛事及有情事所修行利樂皆悉成就由金剛波羅蜜加持故證得圓滿周法界徧虛空大圓鏡智由寶波羅蜜加持故於無邊衆生世間及無邊器世間證得平等性智由法波羅蜜加持故於無量三昧陀羅尼

門諸解脫法得妙觀察智由羯磨波羅蜜加持故於無量安立雜染世界清淨世界證得成所作智由金剛薩埵菩薩加持故剎那猛利心頓證無上菩提由金剛王菩薩加持故於諸有情利樂門中備具四攝法門由金剛愛菩薩加持故於無邊有情無緣大悲曾無間斷由金剛善哉菩薩加持故於諸善法渴仰無厭見微少善即便稱美由金剛寶菩薩加持故證無染智猶如虛空廣大圓滿由金剛光明菩薩加持故證得慧光喻若日輪無不照耀由金剛幢菩薩加持故能滿有情世間出世間所有希願如真多摩尼寶幢心無分別皆令滿足由金剛笑菩薩加持故一切有情若見若聞心生踊躍於法決定受法利樂由金剛法菩薩加持故證得法本性清淨

總七

十二

悉能演說微妙法門知一切法皆如筏喻由  
金剛利菩薩加持故以般若波羅蜜劍能斷  
自他無量雜染結使諸苦由金剛因菩薩加  
持故於無量諸佛世界請一切如來轉妙法  
輪由金剛語菩薩加持故以六十四種法音  
徧至十方隨衆生類皆成法益由金剛業菩  
薩加持故於無邊佛刹海會成大供養儀由  
金剛護菩薩加持故被大誓願莊嚴甲冑返  
入生死廣作菩薩引育衆生置於佛法由金  
剛藥義菩薩加持故能摧天魔一切諸障能  
羸無始煩惱冤敵由金剛拳菩薩加持故於  
三密門無量真言三昧印契合成一體由金  
剛嬉戲菩薩加持故於受用法圓滿快樂得  
受用智自在由金剛鬘菩薩加持故得菩提  
分法華鬘以為莊嚴由金剛莊菩薩加持故

得如來微妙音聲聞者無厭於聖德解脫了  
覺諸法猶如呼響由金剛舞菩薩加持故得  
剎那迅疾分身頓至無邊世界由金剛焚香  
菩薩加持故得如來悅意無礙智香由金剛  
華菩薩加持故能開衆生煩惱淤泥覺意妙  
華由金剛燈明菩薩加持故獲得五眼清淨  
自利利他照法自在由金剛塗香菩薩加持  
故得佛五種無漏淨身由金剛鉤菩薩加持  
故得召集一切聖衆速疾三昧由金剛絹索  
菩薩加持故得如虛空無障礙善巧智由金  
剛鎖菩薩加持故得佛堅固無染觀察大悲  
解脫由金剛鈴菩薩加持故得如來般若波  
羅蜜音聲聞者能摧藏識中諸惡種子以三  
十七內證無上金剛界分智威力加持頓證  
毗盧遮那之身從無見頂相流出無量佛頂

法身雲集空中以成法會光明徧覆如塔相  
輪十地滿足莫能覩見冥加有情身心罪障  
悉令殄滅無能知者雖不能知能息諸苦而  
生善趣從光流出十六菩薩及八方等內外  
大護展轉出光照觸惡趣以成宰堵波階級  
衛護諸佛宰堵波法界宮殿成爲全身現證  
金剛界如來毗盧遮那徧照之身也

略述金剛頂瑜伽分別聖位修證法門